

Sarajevo, 24.5.2017.

Skupština KS
Predsjedavajuća Skupštine KS

Predmet : Poslanička inicijativa

Inicijativa upućena : Ministarstvo saobraćaja KS, Ministarstvo za prostornog uređenja, građenja i okoliša, Direkcija za puteve KS, Zavod za planiranje KS, Općina Novo Sarajevo, Uprava grada Sarajeva.

Poštovani,

Na zahtjev građana Kupreške i ulice Ante Fijamenga na Grbavici, iznad Željinog pomoćnog stadiona, ovim putem iniciram, kao prilog budućnoj javnoj raspravi i vama direktno, dodatna rješenja po pitanju Južne longitudinala u Zvorničkoj ulici.

S obzirom da je Južna longitudinala već odavno u izgradnji, i s obzirom da javna rasprava još uvijek nije održana i da je pitanje kada će i biti održana, građani se opravdano bune i pitaju zašto se njihov glas ne sluša, te da li je jedini način da se dođe do svojih prava to da budu prinuđeni poduzeti radikalne poteze kao njihove komšije sa Hrasnog brda koji su se uspjeli izboriti za svoja prava.

Ulice Kupreška i Ante Fijamenga imaju samo jedan direktan ulaz u ulicu, a radi se o ulicama koje naseljava veliki broj stanovnika i ulaz u ulice se nalazi lijevo, neposredno prije pomoćnog stadiona „Grbavica“ kada se dolazi iz pravca grada. Trenutnim projektnim rješenjem planirano je da neće nikako biti moguće skretanje u Kuprešku ulicu iz pravca grada, nego će stanovnici morati voziti skroz do kružnog toka do Hrasnog brda a zatim se vratiti nazad i ući u ulicu.

S obzirom da je ovo ionako katastrofalno rješenje koje građanima nije prihvatljivo, kao problem se nameće i pitanje, šta će se desiti ukoliko se ulaz u ulicu zatvori prije nego se uopće i završi kružni tok na Hrasnom brdu. Na koji način će građani uopće moći i doći do svojih domova, a da ne moraju kružiti na glavnu cestu ili čak preko tranzita. Šta će se desiti u

slučaju potrebe za intervencijom Hitne pomoći, Vatrogasaca ili MUP-a? Da li ćemo zbog ovako bespotrebno lošeg rješenja ugrožavati živote građana koje posebno frustrira to što su radovi uveliko u toku a uvjerava ih se da se javna rasprava tek treba održati.

Na predviđenoj lokaciji je po informacijama sa kojima građani raspolažu je svakako predviđen semafor i pješački prijelaz (ukoliko nije, obavezno bi bilo da se unese projekat jer veliki broj djece iz ove dvije ulice upravno na tom dijelu prelazi cestu kada ide u OŠ „Grbavica 2“), te ovim putem iniciram da se u projektni prijedlog unese i dodatna izdvojena traka za skretanje lijevo u Kuprešku iz Zvorničke ulice iz pravca grada prema Dobrinji.

Molim vas za odgovor kako bi građane mogao obavijestiti o stavovima, te kao prilog ovoj inicijativi dostavljam i peticiju koju su građani potpisivali.

Hvala,

Mario Vukasović

Zastupnik u Skupštini Kantona Sarajevo